


Alkitab Sagan Kakanakan Mengenal akan



Raja
Salomon ang
Bijaksana



Panulis: Edward Hughes

Nang manggambar: Lazarus
Alastair Paterson

Nang manyusun: Ruth Klassen

Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.



Raja Daud adalah saurang anak Tuhan nang hebat. Salama pamarintahannya, Israel tumbuh sapuluh kali labih ganal daripada karajaan Raja Saul. Tapi wahini inya kada bisa mamarintah labih lawas. Daud sudah

tuha. Lawan
lapah!
Lawan
garing!
Hidupnya di
dunia sudah
kada lawas
lagi.







Salah sabuting matan banyaknya anak lakian Daud, nang bangarang Adonia, baucap ka urang-urang Israel amun inya wahini pacangan manjadi raja. Nang ngarannya bararti "Tuhanku adalah Allah", Adonia lain saurang nang baik. Inya mancuba hagan manyuntan tahta, mangatahui amun Daud sudah talalu lamah hagan manyatup inya. Tapi Tuhan baisi rancana lain!




Batsyeba, bini Daud tahu amun Salomo anak lakiannya, nang pacangan manjadi raja. Inya baucap ka Daud manganai rancana Adonia. Biar inya garing, Daud mangumpulakan para pamimpinnya lawan mangumumakan amun inya pacangan manjadiakan Salomo sabagia raja Israel.



Salomo kada manamui kasulitan bahadapan lawan Adonia, sabab urang-urang Israel parcaya kan Daud. Daud baucap ka buhannya amun Salomo adalah urang nang dipilih Tuhan hagan manjadi raja buhannya. Imbah pangangkatan ngintu, Daud mati.





Sabalum Daud mati, inya baucap ka Salomo supaya inya taat ka tuhan lawan manjadi saurang raja nang baik. "Lakuakanlah kawajibanmu lawan satia tahadap Tuhan, Allahmu, lawan hidup manurut jalan nang ditunjukakanNya," ujar Daud ka anaknya. Ngintu adalah sabuting nasihat nang baik banar! Imbah ngintu Salomo duduk di atas tahta Daud, abahnya, lawan karajaannya nang kokoh.



Pas malam Salomo bamimpi. Dalam mimpinya, Tuhan manampakakan diri di mukanya lawan bafirman "Mintalah napa nang handak Kubariakan ka ikam." Amun hal ngintu tajadi pada ikam, napa nang pacangan ikam minta?



Salomo maminta hikmat hagan manjadi raja nang baik. Parmintaan raja anum ngintu manyanangakan hati Tuhan. Salomo Mandapatakan napa nang dimintanya tapi Tuhan jua manjanjikan kakayaan nang ganal lawan kahormatan ka inya.




Kada mamarluakan waktu lawan bagi urang-urang hagan manamuakan hikmat Salomo. Pas hari ngintu, dua urang mama datang ka inya, lawan saurang bayi.



“Pas mala manak biniannya ngini mati, lawan inya mahurupakan anaknya nang mati lawan anakku nang hidup,” Salah sabuting binian ngintu baucap. “Lain! Anak ikamlah nang mati lawan anakkulah nang hidup,” ujar binian nang lainnya. Kayapa raja maucapakan nang mana mama nang asli matan bayi ngintu?



Imbah raja baucap, "Ambilakan aku padang." Jadi buhannya mambawa padang ka hadapan raja. Napa nang ikam pikirakan tantang rancana raja lawan padang ngintu?



Lawan raja baucap, "Panggallah anak nang hidup ngintu manjadi dua lawan bariakan nang satangah ka nang sabuting lawan nang satangah lagi ka nang lain," Imbah ngintu mama matan bayi nang hidup ngintu baucap, "Ya tuanku! Bariakanlah ka inya bayi nang

hidup ngintu,
jangan sasakali
mambunuh inya."



Tapi nang lain baucap,
"Supaya jangan haganmu
ataupun haganku,
panggallah!"








Pas raja baucap,
"Bariakan ka inya bayi
nang hidup ngintu,
jangan sasakali
mambunuh inya; inyalah
mamanya." Samunyaan
urang Israel mandangar
kaputusan ngintu, lawan
urang mambariakan
panghurmatan nang luar
biasa ka sang raja.
Buhannya malihat
hikmat matan Tuhan
basama lawan inya.



Urang-urang Israel kada baisi sabuah rumah hagan mamuji tuhan. Pas Daud marancanaakan hagan mambangunnya, Tuhan baucap, "Anak ikamalah nang pacangan mandiriakan rumah ngintu bagi ngaranKu."




Jadi Salomo mulai mandiriakan sabuah bait nang indah di Yarusalem.



Pambangunan bait ngini
mamarluakan waktu
tujuh tahun. Tapi
hari ganal ngintu tiba di
mana samunyaan urang
bakumpul basama hagan
mandangarakan


Salomo
mamparsambahakan
bait ngintu hagan
TUHAN.




Imbah dua nang luar
biasa ngintu, sang
raja lawan samunyaan
panduduk lawan sanang
mamparsambahakan
ribuan kurban
parsambahan



nang
mangadaakan
pista ganal selama
dua hari!




Sasudah ngintu, Tuhan
manampakakan diri lagi
ka Salomo lawan bajanji
pacangan mambarkati
inya lawan Israel salama
buhannya manaati Tuhan.




Manyadiahakan, Salamo atauwa urang-urang Israel lainnya kada salalu manaati Tuhan. Sanf raja mangawini banyak binian nang kada Tuhan kahandaki dikawini ulih Salomo. Bini-bini nang kafir ngini mambalikakan hatinya ka barhala-barhala; lawan hatinya kada satia ka Tuhan Allahnya, kaya hati Daud abahnya.




Pas Salomo mambuang kasampatannya hagan
manaati Tuhan, salah sabuting matan tantaranya
nang bangarang Yerobeam baisi sabuting
pangalaman nang aneh.



Saurang nabi baucap ka inya Tuhan pacangan
mambagi karajaan Salomo lawan Yerobeam pacangan
mamarintah atas sapuluh matan dua walas suku.
Lakas Yerobeam malariakan diri ka Mesir.
Inya tahu Salomo pacangan
mambunuh inya amun inya
tatap tinggal di situ.





Akhirnya Salomo mati.
Anaknya, Rehabeam,
manatapakan pajak labih
barat matan nang
dilakuakan abahnya.
Sapuluh suku mambaruntak
lawan mamilih Yerobeam
manjadi pamimpin buhannya.

Karajaan Salomon
nang ganal tabagi
manjadi dua, kaya
nang diucapkan ulih
nabi Tuhan. Tuhan
kada pacangan
mambarkati
katidak taatan.



Raja Salomon ang Bijaksana

Sabuting kisah matan Firman Tuhan, Alkitab

Taulih dalam

1 Raja-raja 1-12

"Amun tabuka, firman-firmanPian mambari pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

